

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 16 Mar ch, 2015 (A)

Musim bentang laporan tahunan syarikat bermula

» **Pemegang saham perlu rebut peluang hadiri AGM**



RITA BENOY
BUSHON

Musim Mesyuarat Agung Tahunan (AGM) syarikat kini tiba sekali lagi bagi tahun ini. Mulai tahun ini, laporan tahunan syarikat tersenarai awam wajib diterbitkan dalam tempoh lima bulan dari tarikh akhir tahun kewangan berbanding tempoh enam bulan sebelum ini.

Ini bermakna bagi syarikat yang mempunyai tahun kewangan berakhir pada Disember 2014, tarikh akhir bagi penerbitan laporan tahunan adalah pada 31 Mei 2015.

Saya ingin mengambil peluang ini untuk mengingatkan pemegang saham institusi dan juga minoriti bahawa AGM adalah salah satu daripada aktiviti syarikat yang terpenting bagi pemegang saham.

Jangan lepaskan peluang ini untuk memberi maklum balas dan cadangan bernes kepada lembaga pengarah dan juga untuk mengutarkan sebarang rasa tidak puas hati kepada lembaga pengarah yang bersedia untuk mendengar pandangan anda, meskipun anda hanya mempunyai pegangan saham yang kecil.

Perlu hadiri mesyuarat

Oleh itu, pemegang saham perlu berusaha sedaya upaya untuk menghadiri mesyuarat berkenaan.

Harapan kami kepada syarikat pula, adalah untuk melihat mesyuarat

yang berkualiti tinggi yang memenuhi objektif utama, iaitu ketelusan.

Kami melihat banyak syarikat menyampaikan penjelasan yang baik kepada pemegang saham mengenai prestasi syarikat dan juga memberikan butiran yang lebih mendalam serta berguna mengenai isu berbangkit.

Aspek penting juga adalah kehadiran penuh pengarah dan barisan pengurusan kanan untuk menunjukkan komitmen tinggi serta persefiaan mencukupi untuk menjawab secara terperinci sebarang soalan yang diajukan oleh pemegang saham.

Melainkan ada sebab yang cukup kukuh kenapa mereka tidak dapat menghadirkan diri, terutama yang akan dilantik semula pada mesyuarat berkenaan, diharap lembaga pengarah boleh memberi penjelasan terlebih dahulu tanpa perlunya menunggu dibangkitkan oleh pemegang saham.

Sedia minit AGM

Satu amalan baik yang sangat kami galakkan dilakukan oleh syarikat ialah menzahirkan minit AGM.

Walaupun kami melihat peningkatan dalam bilangan syarikat yang menzahirkan minit AGM, perlu diambil perhatian bahawa hanya 28 syarikat daripada 873 syarikat tersenarai telah berbuat demikian pada tahun 2014. Kami berharap lebih banyak syarikat akan menzahirkan minit AGM mereka pada tahun ini.

Minit AGM juga perlu diadakan di lokasi yang kondusif untuk memudahkan kehadiran pemegang saham. Contohnya, mudah diakses melalui pengkutawam, mempunyai tempat letak kereta mencukupi dengan caj berpatutan dan mempunyai meja pendaftaran yang teratur.

Kami berharap syarikat akan membenarkan pemegang saham untuk masuk ke dalam bilik/dewan mesyuarat sejurus selesai proses pendaftaran kerana dalam pemerhatian kami terdapat ramai warga tua dalam kalanang mereka. Atau sekurang-kurangnya, menyediakan tempat duduk mencukupi di luar bilik/dewan mesyuarat.

Ada hidangan ringkas

Menyentuh mengenai makanan dan minuman ringan, kami berharap syarikat dapat menyediakan hidangan ringan yang memuaskan, terutama ker-

na ramai pemegang saham runcit telah berusaha untuk hadir dan penyediaan sedikit juadah ringan secara teratur boleh membantu melicinkan proses AGM.

Sistem audio dalam bilik/dewan mesyuarat perlu berada dalam keadaan baik dan tempat

duduk yang mencukupi bagi semua pemegang saham yang hadir.

Pada masa sama, saya ingin memaklumkan bahawa pemegang saham perlu mengambil peluang ini untuk bergaul dengan pemegang saham yang lain dan pengarah. Niat menghadiri mesyuarat bukanlah hanya setakat untuk menikmati juadah dan mendapatkan cenderahati.

Mereka perlu mengajukan soalan secara ringkas dan padat serta persediaan mencukupi dibuat bagi mengelakkan pembazirkan masa atau mengajukan soalan yang tidak relevan.

Selain itu, kami berharap soalan yang diajukan perlu turut terbatas kepada perkara yang berkait dengan agenda AGM sahaja.



Penulis
ialah Ketua Eksekutif
Badan Pengawas
Pemegang Saham
Minoriti (MSWG)